

Shirkiin Salphinna Aakhiraatti Nama Geessa-Kutaa 5

Description

Namoota irraa Jallattooni issaan gabbaraa fi hordofaa turan issaan ganu (kaadu)

Tarii namoonni addunyaa tana keessatti hoggantoota garmalee ol guddisuun ni hordofu. Jallinna issaan itti waaman osoo siritti hin ilaalin issaan duuka buâ€™uun badii guddaatti of darbu. Hoggantoonni jallinnaa karaa Rabbii irraa namoota dhoowwun shirkii fi kufriitti waamu. Mee wanta Guyyaa Qiyaamaa hoggantoota jallinnaa fi hordoftoota jidduutti taâ€™u haa ilaallu:

﴿وَيَوْمَ يُنَادِيهِمْ فَيَقُولُ أَئِنَّ شُرَكَاءَ الَّذِينَ كُنْتُمْ تَزْعُمُونَ ﴾٦٢﴿ قَالَ الَّذِينَ حَقَّ عَلَيْهِمُ الْقَوْلُ رَبَّنَا هُوَ لَا إِلَهَ إِلَّا أَنْتَ إِنَّا أَغْوَيْنَاكُمْ كَمَا غَوَيْنَا إِلَيْكُمْ مَا كَانُوا إِيمَانًا يَعْبُدُونَ ﴾٦٣﴿ وَقَيلَ أَدْعُوكُمْ شُرَكَاءَكُمْ فَدَعَوْهُمْ فَلَمْ يَسْتَجِبُوا لَهُمْ وَرَأُوا الْعَذَابَ لَوْ أَنَّهُمْ كَانُوا يَهْتَدُونَ ﴾٦٤﴾

â€œ(62)â€œGuyyaa [Rabbiin] issaanitti lallabee â€˜shariikonni Kiyya kan isin odeessaa turtan eessa jiruâ€™ jedhu [yaadadhu]. (63)-Warri jechi [adabbi] irratti mirkanaaâ€™e, â€œGooftaa keenya! Kunniin kan nuti jallifneedha. Akkuma ofii jallanne issaanis jallifne. Gara Keetti qulqulloofne. Isaan nu gabbaraa hin turre.â€ jedhu. (64)-â€œShariikota keessan waammadhaâ€ jedhama. Isaanis issaan waamu, garuu isaaniif hin awwaatan, adabbiis ni argu. Osso qajeelanii turanii [hawwu]â€ Suuratu Al-Qasas 28:62-64

Kuni wanta uumamtoota Guyyaa Qiyaamaa gaafatu ilaalchisee beeksiisa Rabbiin irraa taâ€™eedha. Hundee wantootaa irraa issaan gaafata. Rabbiin gabbaruu fi Ergamtoota Isaatiif deebii deebisuu ilaalchisee ni gaafata.

â€œGuyyaa [Rabbiin] issaanitti lallabeeâ€!â€ Kana jechuun Guyyaa Qiyaamaa Rabbiin guddaan oltaâ€™e namoota Isa waliin waan biraa gabbaran (waaqefatanitti) lallabuunakkana issaaniin jedha: â€˜shariikonni Kiyya kan isin odeessaa turtan eessa jiruâ€™

Rabbiif shariikni hin jiru. [Kana jechuun kan Isa gargaaru ykn Isa waliin gabbaramu (waaqefatamu) hin jiru.] Garuu namoonni Rabbiin waliin waan biraa gabbaran kijiba issaaniitiin â€œWantoonni nuti gabbarru (waaqefannu) kunniin shariikota Rabbiitiâ€ jedhan. Kanaafi, â€œkan isin odeessaa turtanâ€ jedhe. [1] Kana jechuun addunyaa keessatti â€œKunniin shariikota Rabbiiti, Isa biratti shafaâ€™aa

(jaarsummaa) nuuf taâ€™uu, Isatti nu dhiyeessu, nu gargaaruâ€™jettanii sobaan odeessun wantoonni isin Rabbii gaditti gabbaraa turtan eessa jiruu? Faaydan isaanii eessa? Miidhaa ittisuun isaanii eessa?

Akkuma beekkamu, haala san keessatti wanti isaan gabbaranii fi abdatan soba akka taâ€™e ifa baha. Mataan isaa ni bada, wanti isaan irraa abdatanis ni bada. Mataa ofii irratti jallinna ni mirkaneessu. Kanaafi itti aanse ni jedhe, â€œWarri jechi [adabbii] irratti mirkanaaâ€™e,â€ kunniin kufrii fi badii keessatti matootii fi hoggantoota murtiin adabbii irratti darbeedha. Mataa ofiiti akka jallatanii fi namoota biroos akka jallisan ni mirkaneessu. [2] Rabbiin subhaanahu hordoftootan dura hoggantoota fi matooti jallinnaa qorachuun murtii irratti dabarsa. Hoggantoonni jallinnaa fi warroonni gara kufriitti waaman kunniin ni jedhu, â€œKunniin kan nuti jallifneedha.â€ Kana jechuun hordoftoonni kunniin kan nuti jallifneedha. â€œAkkuma ofii jallanne isaanis jallifne.â€

Dubbii fi hojii ittiin isaan jallifnuun jallinna keessatti isaan kufifne. Kuni jallinna keessatti taruu fi karaa haqaa fi qajeelaa irraa fagaachudha. Isaan jallisun sababa nuti jallanneefi. Kanaafu, garee keenyatti isaan dabalu fi isaaniin deeggartoota baayâ€™ifachuu akka qabnu nutti mulâ€™ate [3]

Asitti gaafin isaaniif dhiyaataa: â€œSila isin gabbaraa (waaqefachaa) turanii?â€ Hoggantoonni jallinnaa kunis ni jedhu, â€œGara Keetti qulqulloofne. Isaan nu gabbaraa hin turre.â€ Kana jechuun nuti isaanii fi hojii isaanii irraa qulqulloofne. Isaan nu gabbaraa (waaqefachaa) hin turre. Kan isaan gabbaraa turan sheyxaanota. [4]

Guyyaa Qiyaamaa warri jallinnaa fi kufrii keessatti waliin hirmaatan walirraa qulqullaaâ€™u. Kana jechuun waliif diina taâ€™u, wal abaru, â€œAni yakka keetirraa qulqulluudhaâ€ waliin jedhu. Rabbiin subhaanahu wa taâ€™aalaa ni jedha:



â€œWarra Rabbiin sodaatan malee hiriyyoonni Guyyaa san gariin gariif diina taâ€™uâ€ Suuratu Az-Zukhruf 43:67

â€œâ€™Shariikota keessan waammadhaaâ€™ jedhama.â€ Kana jechuun namoota Rabbiin waliin waan biraan gabbaraniin (waaqefataniin), â€œakka wanta keessa jirtan keessaa nagaha isin baasaniif wantoota addunya keessatti gabbaraa turtan waamadhaa.â€ Jedhama. [5] â€œIsaanis isaan waamu.â€ Kana jechuun namni Rabbiin alatti wanta biraan waaqefatu (gabbaru) hundi wanta waaqefataa ture waammata. Namni sanama (siidaa) waaqefatu siidaa waammata. Namoonni Iisaa (Iyyasuus) waaqefatan, â€œYaa Iyyasuusâ€ jechuun waammatu. Warri Mariyamin waaqefatan, Yaa Mariyam jechuun waammatu. Haala kanaan namni hundi wanta gabbaru waammata. â€œgaruu isaaniif hin awwaatanâ€ Kana jechuun deebii isaaniif hin deebisan.

Asitti kasaaraan mushrikoota ni mulâ€™ata. Jallattoota fedhii qullaa isaaniitii fi akkeessaa jaamaa akka hordofan isaaniif ifa taâ€™a. Wanta sammuu fi qajeelinni isaanitti akeeku hin hojjanne. Ergamtoota Gooftaa isaanitii fi hayyoota (aalimman) gara Rabbiitti waamaniif deebii hin deebisne, hin hordofne. Kanaafu, Rabbiin adabbii ibiddaa keessatti yeroo hunda akka turan isaan irratti murteessa. [6] Isaaniis,

â€œadabbi ni argu.â€ Addunyaa irratti adabbi ibiddaa kijibsiisaa fi mormaa erga turanii booda Guyyaa san ija isaaniitiin ni argu.

â€œOsoo qajeelanii turanii [hawwu]â€ kana jechuun yommuu adabbi argan addunyaa keessatti osoo warra qajeelan irraa taâ€™anii jaallatu[7]

﴿وَيَوْمَ يُنَادِيهِمْ فَيَقُولُ مَاذَا أَجَبْتُمُ الْمُرْسَلِينَ ﴿٦٥﴾ فَعَمِّيَتْ عَلَيْهِمْ
الْأَنْبَاءُ يَوْمَئِذٍ فَهُمْ لَا يَتَسَاءَلُونَ ﴿٦٦﴾ فَأَمَّا مَنْ تَابَ وَعَامَنَ وَعَمِّلَ
صَلْحًا فَعَسَى أَنْ يَكُونَ مِنَ الْمُفْلِحِينَ ﴿٦٧﴾﴾

â€œGuyyaa [Rabbiin] isaanitti lallabee, â€œErgamtootaaf maal deebistan?â€ jedhu, [yaadadhu]. Guyyaa san oduun isaan irraa dhokata, isaan walis hin gaafatan. Garuu namni tawbatee, amanee fi hojii gaarii hojjate, warra milkaaâ€™an keessaa akka taâ€™u ni kajeellama.â€ Suuratu Al-Qasas 28:65-67

â€œGuyyaa [Rabbiin] isaanitti lallabee, â€œErgamtootaaf maal deebistan?â€ jedhu, [yaadadhu].â€

Lallabbiin jalqabaa waaâ€™ee tawhiida gaafachuudha, lallabbiin kuni immoo nabiyyumma mirkaneessudha. Ergamtoota gara keessanitti ergamaniif deebii keessan maal turee? Haalli keessan isaan waliin akkam turee? Isaan dhugoomsitani hordoftan moo kijibsiiftanii isaan faallessitanii?

Gaafin kuni akka gaafi nama qabrii keessatti gaafatamuti: Gooftaan kee eenu? Nabiyyiin kee eenu? Amantin kee maalidhaa?â€ Muâ€™minni Rabbiin malee haqaan Gabbaramaan akka hin jirree fi Muhammad gabrichaa fi Ergamaa Isaa taâ€™uu ragaa baha. Kaafirri immoo â€œHaa haa, hin beekuâ€ jedha. Kanaafi, Guyyaa Qiyaamaa calâ€™isuu malee deebii hin qabu. Sababni isaas, namni addunyaa tana keessatti jaamaa taâ€™e (ragaalee fi mallattoolee Rabbitti hin xinxallinee fi Isatti hin amanne), Aakhiratti daran jaamaa fi karaa irraa kan jallateedha. Kanaafi itti aanse ni jedha: â€œGuyyaa san oduun isaan irraa dhokata.â€ Kana jechuun ragaaleen ittiin mormatan isaan irraa dhokatu, wanta ittiin falmataniin hin beekan.[8] Ragaaleen ittiin mormatan â€œoduuâ€ Kan jedhameef ragaaleen kunniin odeefan noo isaan beeksiisaniidha.

Rabbiin subhaanahu wa taâ€™aalaa Ergamtoota erguu fi kitaabban buusun ragaalee isaaniif waan ibseef wanta ittiin falmataniin hin qaban. Akkuma beekkamu Guyyaa Qiyaamaa deebii sirrii haala isaanitiin walitti galuu kenuun malee wanti nama baasu hin jiru. Deebii sirrii kuni: amanuu (iimaanaa) fi ergamtoota hordofuudha. Garuu isaan kijibsiisuu fi ajaja isaanii faallessuu yommuu beekan, homaayyu hin dubbatan. â€œewalis hin gaafatanâ€ Kana jechuun wanta Gooftaa isaaniitiif deebisuu qaban mariâ€™achuuf wali hin gaafatan. Dhamaâ€™iinsi, dadhabbinni, salphinni fi xiqqeenyi fuula fi ija isaanii irratti waan mulâ€™ateef. Isaan keessaa eenyullee gaafatamuuf ykn deebii deebisuu qophii miti.

â€œGaruu namni tawbatee, amanee fi hojii gaarii hojjate, warra milkaâ€™an keessaa akka taâ€™u ni kajeellama.â€

Rabbiin oltaâ€™aan yommuu gabbaramaa fi ergamtoota isaanii ilaalchisee gaafachu erga dubbatee booda, karaa gabrichi adabbii Isaa irraa nagaha ittiin bahu ni dubbate. Karaan kunis: shirkii fi badii irraa tawbachuu, amanuu (iimaana) fi hojii gaggaarii hojjachuudha.

Namni tawbate-kana jechuun Gooftaan isaa akka isaaf araaramuu fi irra darbuuf barbaaduun kufrii keessa turee irraa gara Gooftaa isaatti deebiâ€™e. Akkuma beekkamu sadarkan jalqabaa kufrii- Rabbitti waa qindeessu (shirkii)dha.

Amane-kana jechuun wanta Rabbiin akka gabroonni amanan isaan irratti dirqama godhetti amane. Kan akka hundeeawan (arkaana) iimaana jahan.

Hojii gaarii hojjate-kana jechuun hojii gaarii Rabbiin kitaaba Isaatii fi arraba Ergamaa Isaa irratti ajaje hojjate.

Namni amaloota kanniin walitti qabe namoota wanta barbaadan argatanii fi wanta sodaatamaa (adabbii) jalaan nagaha bahan keessaa taâ€™a. Dhimmoota kanaan ala wanti gara milkaâ€™innaatti nama geessu hin jiru.[\[9\]](#)

Kanaafu, namni osoo duuti isatti hin dhufin shirkii fi badii irraa buqqaâ€™ee gara Rabbiitti yoo deebiâ€™e (tawbate), haala sirriin amanee fi hojii gaggaarii hojjate, salphinna Guyyaa Qiyaamaa jala nagaha baha. Namni kana dide immoo salphinnii fi adabbiin isatti buâ€™a.

Guduunfaa

â˜Guyyaa Murtii hoggantoonni jallinnaa namoota jallisaa turan ni ganu. Guyyaa san ofii jallatanii namoota biroos akka jallisan ni amanu. Jalqaba, mataa ofiiti qajeelinna irraa fagaachun kufrii fi shirkiitti taran. Itti aansanii namootas gara kufrii fi shirkiitti waaman. Namoonnis isaan hordofuun jallatan. Kanaafu, namni hoggantoota fi hiriyyoota jallinnaa hordofuu irraa of haa eegu.

â˜Guyyaa Qiyaamaa namoonni hundee gurguddoo lama irraa gaafatamu: **Maal gabbaraa turtan?**

Ergamtootaaf maal deebistan?

â˜Namni Rabbii tokkicha gabbaree fi Ergamtootaaf ajajame, inni nama adabbii jalaan nagaha bahuu fi Jannata seenudha.

Namni Rabbiin ala wanta biraaj gabbaree fi Ergamtootaaf ajajamu didee immoo buâ€™aa filannoo isaa ni baadhata. Innis, adabbiidha.

<https://sammubani.wordpress.com/2020/06/14/hundee-guddaan-namoonni-irraa-gaafataman/>

[1] Tafsiiru Saâ€™dii-729 [2] Madda olii [3] Maâ€™aariju Tafakkuri wa daqaaâ€™iqu tadabburi-9/445
 [4] Tafsiiru Saâ€™dii-730 [5] Tafsiiru Ibn Kasiir-6/34, Tafsiir Qurxubii-16/304 [6] Maâ€™aariju Tafakkuri wa daqaaâ€™iqu tadabburi-9/446-446 [7] Tafsiir Ibn Kasiir-6/34 [8] Tafsiir Ibn Kasiir-6/34 [9] Tafsiiru Saâ€™dii-730, Maâ€™aariju Tafakkuri wa daqaaâ€™iqu tadabburi-9/448-449, Tafsiir Xabarii-18/297-298

Date Created

June 14, 2020

Author

admin